

Jučerašnja konferencija za štampu u kancelariji OHR Brčko

Pitanja i odgovori na temu zahtjeva upućenog od strane javnog tužioca Brčko Distrikta Skupštini Brčko Distrikta – pitanja postavljena Ambasadoru Henry L. Clarke-u

Zbog toga što je diskusija koja se vodila za vrijeme jučerašnje konferencije za štampu u kancelariji OHR Sjever u Brčkom pogrešno predstavljena danas u medijima, dostavljamo vam tačnu transkripciju pitanja i odgovora na temu zahtjeva za skidanje imuniteta nekoliko skupštinskih delegata u svrhu obavljanja istrage upućenog od strane javnog tužioca Brčko Distrikta Skupštini Brčko Distrikta.

Pitanje: Zamolila bih supervizora da prokomentariše zahtjev koji je javni tužilac Brčko Distrikta proslijedio Skupštini Brčko Distrikta u vezi sa ukidanjem imuniteta gospodinu Đapi i još nekolicini poslanika za, kao što je tužilac rekao, malverzacije u Opštini Rahić Brčko?

Odgovor: Kao što znate u Brčkom imamo nezavisno sudstvo a to uključuje i nezavisno tužilaštvo, nezavisnog tužioca. Posao tužioca je da radi na ovim pitanjima od onog trenutka kada postoji dovoljna osnova za sumnju. Međutim što se tiče samog zahtjeva da se skine imunitet, to je potrebno kako bi se započeo proces. Dakle, ni za koga nije ustanovljeno da je kriv. A, na Skupštini je da u okviru utvrđenih pravila i procedura odgovori na ovaj zahtjev onako kako je to propisano.

Pitanje: Kao dodatak prethodnom pitanju – u slučaju da Komisija za izbor i imenovanja ukine imunitet pomenutim osobama, da li to znači da ćemo imati skupštinsku krizu i kako ćemo je prevazići?

Odgovor: Ne bih zaista špekulisao o tome sada.

Pitanje: Gospodine supervizore, ljudi iz Skupštine, protiv kojih je pokrenuta istraga su danas potpisali saopštenje za javnost u kojem su naveli da su pojedini službenici OHR-a i međunarodne zajednice, naročito oni iz istočno-evropskih zemalja, kivni na njih i da oni stoje iza svega ovoga.

Odgovor: Nisam video zaista takvo saopštenje za javnost i mislim da zbog toga ne bi bilo ni prikladno da komentarišem takvo što. Nadam se da će cijeli ovaj proces biti sproveden na ekspeditivan način i da ćemo proći kroz sve ovo bez nanošenja nepotrebnih šteta dnevnom političkom životu u Brčko Distriktu.

Pitanje: Da li smatrate da će gospodin Đapo biti sposoban da na odgovarajući način vodi i predsjedava Skupštinom ako je pod istragom?

Odgovor: Postoje pravila Skupštine o tome kako treba on da se ponaša u ovakvim situacijama. Ja zaista želim biti pažljiv i ne miješati se u taj proces.

Za dodatne informacije, molimo, kontaktirajte službenika kancelarije za odnose sa javnošću OHR Brčko Suzanu Pejčić na 049/205 666 ili 066/133 526.